



Ioannes Basileæ ex honesta familia natus, & omni genere uirtutum optimè educatus est. Cum autem is adoleuisset, animum ad armorum studia conuertit, atque Heluetiorum castra uarijs in locis secutus fuit. Itaq; factum ut rei bellicæ magnam peritiã acquisierit, atq; ob multas animi & corporis uirtutes in magna autoritate extiterit. Contigit autẽ anno 1515 quod Heluetij, communi pagorum decreto, bellum contra Franciscum Galliaë regem pro Maxiliano Mediolanensi duce susciperent, atq; in Italiam expeditionem facerent. Cum itaq; & Basilienses Heluetiorum confœderati sese ad id bellum accingerent, hunc Iohannem suum Signiferum elegerunt, atq; fortuna duce res magnas expedire iusserunt. Vnde Ioannes læto animo pro patria arma induit, & cum delecta manu suorum ciuium sese reliquis Heluetijs coniunxit.